

Panibagong araw nanaman
Bakit sadyang kulang sa pagbabago

Hanapin may di ko matagpuan
Di pa lumulitaw ay nag lalaho

Ang swerte na tila di sakín nakalaan
Depende bihira madalas ay tsaka na lang

Tirik ang araw sa quiapo
Tanghaling tapat daming naglalakad
Lahat pinipintahan ko

Parang langaw na dumapo kahit na mabaho sa basurahan
Hanggang sa naispatan ko

Isang Ale na may edad
Alahas nakalantad
Mabilisang delehensya to
Kaya

Tinutukan ko agad kwintas singsing akap na bag
Tapos ay karipas ng takbo

Ang buong akala ko
Nakatakas na ako

Hindi pala merong parak na nakatambay sa may kanto
Pano yan

Kahit hinihingal ay kailangan ko pang bilisan
Kadalasan naman ay hindi sila ganyan pag humabol ang masahol

Ay nasukol ako sa eskenitang masikip
May nadinig akong putok kaso hindi hagip

Tinamaan ako sa paa
Naloko na basta
Di ako pahuhuli ng buhay

Inintay ko syang makalapit
Para maagaw ang baril na kapit
Tila aguilang dumagit
Mapapalaban sya talaga

Nag pambuno kaming dalawa
Bumunot sya ng Kutsilyo

Itinarak nya wala akong nagawa
Kinagat ko sya ng Pustiso

Buo buong dugo basa nang uniporme nya sino ang mag lalaba

Hanggang sa naramdaman ko ang
Mainit na tinggang pumasok saking dibdib

Di ako makahinga na tila may nakasakal sa aking leeg

Akoy lulang ng ambulansya
Aabot pa kaya sa gracia

Kaso trapik sa edsa lagi naman
Mag dala ng pasensya la nang laman

Nakarating din sa wakas
Pinto'y agad ibinukas
Ang buhay ko'y iniligtas

Parabang nanggaling sa taas
Gulat saking mata'y bakas
Dagundong ng puso'y lumakas

Kasagutan na pilit kong hinanap
Nung bigla sakín humarap
Doktorang may edad na aking hinoldap...